

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2022 godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima-za uvezivanje radnog staža“, („Službene novine Federacije BiH", broj 57/22) i Odluke o izmjenama Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2022 godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima-za uvezivanje radnog staža“ V. broj:1813/2022 od 20.12.2022. godine, Federalno ministarstvo energije, rudarstva i industrije o b j a v l j u j e

**PONOVLJENI JAVNI POZIV
ZA KANDIDOVANJE PROGRAMA UTROŠKA SREDSTAVA UTVRĐENIH U
RAZDJELU 17. BUDŽETA FEDERACIJE BOSNE I HERCEGOVINE ZA 2022.
GODINU FEDERALNOM MINISTARSTVU ENERGIJE, RUDARSTVA I
INDUSTRIJE „TEKUĆI TRANSFERI I DRUGI TEKUĆI RASHODI – SUBVENCIJE
JAVNIM PREDUZEĆIMA -ZA UVEZIVANJE RADNOG STAŽA“**

I. PREDMET PONOVLJENOG JAVNOG POZIVA

Predmet ponovljenog javnog poziva je prikupljanje zahtjeva za odabir korisnika sredstava, u skladu sa Programom utroška sredstava utvrđenih u razdjelu 17. Budžeta Federacije Bosne i Hercegovine za 2022. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima - za uvezivanje radnog staža“ (u daljem tekstu: Program), („Službene novine Federacije BiH", broj 57/22) i Odlukom o izmjenama Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2022 godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima-za uvezivanje radnog staža“ V. broj:1813/2022 od 20.12.2022. godine

II. PRAVO UČEŠĆA/OSNOVNI KRITERIJI

Pravo učešća po ovom ponovljenom Javnom pozivu imaju privredna društva, koja kumulativno ispunjavaju sljedeće osnovne kriterije:

1. da je privredno društvo osnovano po Zakonu o privrednim društvima („Službene novine Federacije BiH", broj 81/15),
2. da je privredno društvo sa sjedištem u Federaciji Bosne i Hercegovine,
3. da je javno preduzeće, odnosno privredno društvo u kojem Federacija Bosne i Hercegovine ili bilo koji nivo vlasti u Federaciji Bosne i Hercegovine ima više od 50% vlasništva,
4. da je privredno društvo iz oblasti metalne, elektro i automobilske industrije, industrije građevinskog materijala, drvne, papirne i grafičke industrije, proizvodnje tekstila, kože i obuće, hemijske industrije i industrije gume i plastike i namjenske industrije, odnosno privredno društvo kome je prema KD BiH 2010 glavna šifra djelatnosti (djelatnost koju pravno lice pretežno obavlja) dodijeljena od nadležnog Zavoda za statistiku, iz područja C-Prerađivačka industrija, izuzev oblasti:

- 10 (Proizvodnja prehrambenih proizvoda);
- 11 (Proizvodnja pića);
- 12 (Proizvodnja duhanskih proizvoda).

Neprihvatljivi korisnici grant sredstava po ovom ponovljenom Javnom pozivu su:

- privredna društva kojima je upućen zahtjev, odnosno nalog za povrat dodijeljenih budžetskih sredstava Federalnog ministarstva energije, rudarstva i industrije iz prethodnog perioda, a koji do dana podnošenja zahtjeva za dodjelu sredstava po ovom ponovljenom Javnom pozivu nije realizovan;
- radnici koji su do dana podnošenja zahtjeva za dodjelu sredstava po ovom ponovljenom Javnom pozivu, već, po bilo kojem osnovu, penzionisani.

Napomena:

Pravo učešća po ovom ponovljenom Javnom pozivu imaju i preduzeća u stečaju i preduzeća koja su u procesu likvidacije ali ne i preduzeća koja su već likvidirana.

III. SVRHA DODJELE SREDSTAVA

Dodjela sredstava ima prvenstveno za cilj očuvanje socijalnog mira koji se kroz Program i ponovljeni Javni poziv realizira zbrinjavanjem radnika koji ne mogu steći pravo na odlazak u penziju jer im nije uplaćen radni staž.

Raspoloživa sredstva su grant sredstva i dodjeljuju se za izmirenje dugovanja preduzeća za neuplaćene doprinose samo po osnovu PIO/MIO i to za radnike koji će sa stažom osiguranja za koji će biti uplaćen doprinos za PIO/MIO, nakon uplate, ispunjavati uslove za ostvarivanje prava za penzionisanje, po bilo kojem osnovu.

Napomena:

Izuzetak od naprijed navedenog su preduzeća koja su u procesu likvidacije a kojima se dodjeljuju sredstva za izmirenje dugovanja preduzeća za neuplaćene doprinose po osnovu PIO/MIO, zdravstvenog osiguranja i osiguranja od nezaposlenosti i to za radnike koji će sa stažom osiguranja za koji će biti uplaćeni navedeni doprinosi, nakon uplate, ispunjavati uslove za ostvarivanje prava za penzionisanje, po bilo kojem osnovu.

Rezultat provođenja Programa i ponovljenog Javnog poziva je rješavanje socijalnog statusa zaposlenika, kroz penzionisanje.

Dodjela sredstava će se vršiti za izmirenje dugovanja privrednog društva, za neuplaćene doprinose samo po osnovu PIO/MIO za radnike koji su do dana podnošenja zahtjeva za dodjelu sredstava podnijeli zahtjev Federalnom zavodu PIO/MIO za penzionisanje, po bilo kojem osnovu.

Napomena:

Dodjela sredstava privrednim društvima, koja su u procesu likvidacije, će se vršiti za izmirenje dugovanja privrednog društva, za neuplaćene doprinose po osnovu PIO/MIO, zdravstvenog osiguranja i osiguranja od nezaposlenosti, za radnike koji su do dana podnošenja zahtjeva za dodjelu sredstava podnijeli zahtjev Federalnom Zavodu PIO/MIO za penzionisanje, po bilo kojem osnovu.

IV. OSTALI KRITERIJI ZA IZBOR KORISNIKA

Korisnici grant sredstava po ovom ponovljenom Javnom pozivu mogu biti privredna društva koja ispunjavaju osnovne kriterije definisane u tački II. ovog ponovljenog Javnog poziva i da zapošljavaju najmanje 5 zaposlenika.

Napomena: Kriterij o minimalnom broju zaposlenih radnika u privrednom društvu koje aplicira za dodjelu sredstava po ovom ponovljenom Javnom pozivu, ne odnosi se na preduzeća u stečaju i na preduzeća koja su u procesu likvidacije.

Zahtjevi koji ispunjavaju osnovne, naprijed navedene kriterije i koji su od strane nadležne Komisije, koja vrši pregled pristiglih zahtjeva, proglašeni formalno ispravnim zahtjevima, ocjenjuju se po obrazcu 1.

Obrazac 1.

KRITERIJI	Mogući broj bodova	Ostvareni broj bodova
Broj zaposlenih u preduzeću		
Broj zaposlenih u preduzeću od 5 do 40	2	
Broj zaposlenih u preduzeću od 41 do 80	4	
Broj zaposlenih u preduzeću od 81 do 100	8	
Broj zaposlenih u preduzeću > 100	10	
Status preduzeća		
Preduzeće zbog procesa likvidacije treba dodatna sredstva za uplatu doprinosa za penzionisanje	6	
Preduzeće zbog stečaja treba dodatna sredstva za uplatu PIO za penzionisanje	3	
Preduzeće nije u stečaju	2	
Broj radnika koji će se penzionisati		
Broj penzionisanih <5	5	
Broj penzionisanih od 5 do 10	7	
Broj penzionisanih od 11 do 20	9	
Broj penzionisanih od 21 do 30	12	
Broj penzionisanih od 31 do 50	15	
Broj penzionisanih > 50	20	
UKUPNO OSTVARENO BODOVA		

Za svako privredno društvo koje ispunjava kriterije iz ovog ponovljenog Javnog poziva, odnosno čiji je zahtjev proglašen formalno ispravnim zahtjevom, formira se spisak zaposlenika koji ostvaruju pravo za dodjelu sredstava po ovom ponovljenom Javnom pozivu, koji sadrži ime zaposlenika, datum sticanja prava na penziju period uplate

doprinosa i iznos nedostajućih sredstava. Navedeni spisak se formira hronološki, prema datumu sticanja prava na penziju na način da prednost ima zaposlenik sa ranijim datumom sticanja prava na penziju.

Na osnovu ovih spiskova i na osnovu ostvarene ocjene po osnovu kriterija iz ponovljenog Javnog poziva (Obrazac 1.), formira se rang lista privrednih društava na osnovu visine dodijeljenih bodova (od najvećeg do najmanjeg), te se na osnovu Programom i ponovljenim Javnim pozivom definisanih kriterija i drugih internih akata (ukoliko postoje), sačinjava Prijedlog sa rang listom pojedinačnih zahtjeva sa predloženim iznosima novčanih sredstava za dodjelu i odgovarajućim obrazloženjem. Isti se dostavlja federalnom ministru energije, rudarstva i industrije, koji će uputiti Prijedlog odluke o izboru korisnika, Vladi Federacije Bosne i Hercegovine, na razmatranje i usvajanje.

Navedena Odluka obavezno treba da sadrži ime i prezime korisnika, datum sticanja prava na penziju, period za koji se vrši uplata i iznos nedostajućih sredstava, te ostale podatke koji se pokazuju relevantnim za realizaciju Odluke.

Način, dinamika i rokovi uplate odobrenih sredstava se definišu Ugovorom koji se sklapa između Federalnog ministarstva energije, rudarstva i industrije (u daljem tekstu: Ministarstvo) sa jedne strane, i korisnika, sa druge strane.

Odobrena sredstva Ministarstvo će sukcesivno uplaćivati na račun Federalnog zavoda PIO/MIO, kada korisnik dostavi dokument od Federalnog zavoda PIO/MIO sa spiskom radnika i stažom osiguranja za koji će biti uplaćen doprinos za PIO/MIO, nakon čega radnici sa uplatom odobrenih sredstava po Programu, stižu uslove za odlazak u penziju, po bilo kojem osnovu. Nakon toga će Ministarstvo dati nalog Trezoru Federacije BiH da izvrši uplatu odobrenih sredstava na račun Federalnog zavoda PIO/MIO.

Napomena:

Odobrena sredstva za privredna društva koja su u procesu likvidacije, Ministarstvo će uplaćivati na račun Federalnog zavoda PIO/MIO, Zavoda zdravstvenog osiguranja i reosiguranja Federacije BiH, nadležnog kantonalnog Zavoda zdravstvenog osiguranja, Federalnog zavoda za zapošljavanje i nadležnog kantonalnog zavoda za zapošljavanje, kada korisnik dostavi dokument od Federalnog zavoda PIO/MIO sa spiskom radnika i stažom osiguranja za koji će biti uplaćen doprinos za PIO/MIO, nakon čega radnici sa uplatom odobrenih sredstava po ovom Programu, stižu uslove za odlazak u penziju, po bilo kojem osnovu. Nakon toga će Ministarstvo dati nalog Trezoru Federacije BiH da izvrši uplatu odobrenih sredstava na račun Federalnog zavoda PIO/MIO, Zavoda zdravstvenog osiguranja i reosiguranja Federacije BiH, nadležnog kantonalnog Zavoda zdravstvenog osiguranja, Federalnog zavoda za zapošljavanje i nadležnog kantonalnog zavoda za zapošljavanje.

V. SREDSTVA PREDVIĐENA ZA DODJELU

Sredstva za provođenje Programa utvrđena su Budžetom Federacije Bosne i Hercegovine za 2022. godinu, u razdjelu 17, ekonomski kod 6144, „Tekući transferi i drugi tekući rashodi - Subvencije javnim preduzećima - za uvezivanje radnog staža“ u iznosu od 3.468.000,00 KM. Odlukom Vlade Federacije o izboru korisnika sredstava utvrđenih u razdjelu 17. Budžeta Federacije Bosne i Hercegovine za 2022. godinu Federalnom ministarstvu energije, rudarstva i industrije „Tekući transferi i drugi tekući

rashodi-Subvencije javnim preduzećima za uvezivanje radnog staža“ po prvom javnom pozivu, raspoređen je iznos od 1.559.930,32 KM („Službene novine Federacije BiH“, broj 93/22), tako da je ostalo neraspoređeno 1.908.069,68 KM. Internom preraspodjelom, unutar Federalnog ministarstva energije, rudarstva i industrije, sa ek. koda 6144 izvršen je prenos sredstava u iznosu od 900.000,00 KM, tako da je sada, na ek. kodu 6144 preostalo za dodjelu po ovom ponovljenom Javnom pozivu 1.008.069,68 KM.

Navedena preostala sredstva su grant sredstva Ministarstva i dodjeljivati će se po ponovljenom Javnom pozivu.

Maksimalan iznos sredstava koji se može odobriti za jedno preduzeće je 300.000,00 KM.

Preduzeća po ponovljenom Javnom pozivu mogu ostvariti pravo na dodjelu sredstava samo po jednom podnesenom zahtjevu.

Privredna društva koja su aplicirala po prvom Javnom pozivu i kojima su odobrena sredstva, mogu aplicirati i po ponovljenom Javnom pozivu.

VI. TRAJANJE PONOVLJENOG JAVNOG POZIVA I PROGRAMA

Ministarstvo će ponovljeni Javni poziv objaviti na web stranici Federalnog ministarstva energije, rudarstva i industrije (www.fmeri.gov.ba), a Obavijest o objavi ponovljenog Javnog poziva će biti objavljena u dnevnim novinama „Oslobođenje“.

Ponovljeni Javni poziv ostaje otvoren 5 (pet) dana od dana objave Obavijesti o objavi ponovljenog Javnog poziva u navedenim dnevnim novinama.

Program traje do utroška sredstava, a najkasnije do kraja fiskalne godine (odnosno do 31.12.2022. godine).

VII. PROVOĐENJE PONOVLJENOG JAVNOG POZIVA

Potencijalni korisnici grant sredstava, na ponovljeni Javni poziv trebaju dostaviti sljedeću dokumentaciju:

1. Zahtjev za dodjelu grant sredstava po ponovljenom Javnom pozivu (na web stranici Ministarstva www.fmeri.gov.ba),
2. Spisak zaposlenika koji sadrži i lični i matični broj osiguranika koji će, po bilo kojem osnovu, ostvariti uslove za odlazak u penziju do dana podnošenja zahtjeva za dodjelu sredstava i koji su podnijeli zahtjev Federalnom zavodu za PIO/MIO za penzionisanje. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) i nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja prava na penziju, periodom za koji se vrši uplata i iznosom duga samo po osnovu PIO/MIO, ovjeren i potpisan od strane nadležnog lica preduzeća i nadležnog Federalnog zavoda PIO/MIO odnosno Porezne uprave Federacije BiH,

Napomena:

Za preduzeća u procesu likvidacije treba dostaviti spisak zaposlenika koji sadrži i lični i matični broj osiguranika koji će, po bilo kojem osnovu, ostvariti uslove za

odlazak u penziju do dana podnošenja zahtjeva za dodjelu sredstava i koji su podnijeli zahtjev Federalnom zavodu za PIO/MIO za penzionisanje. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) i nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja prava na penziju, periodom za koji se vrši uplata i iznosom duga po osnovu PIO/MIO, zdravstvenog osiguranja i doprinosa, ovjeren i potpisan od strane nadležnog lica preduzeća i nadležnog Federalnog zavoda PIO/MIO odnosno Porezne uprave Federacije BiH,

3. Aktuelni izvod iz u sudskog registra (original ne stariji od 30 dana),
4. Statut ili odluka/akt o osnivanju (kopija i ne mora biti ovjereno),
5. Uvjerenje o poreznoj registraciji kod Porezne uprave – ID broj,
6. Uvjerenje o registraciji obveznika poreza na dodanu vrijednost – PDV broj,
7. Obavještenje nadležnog zavoda za statistiku o razvrstavanju prema glavnoj šifri djelatnosti po KD BiH 2010,
8. Lična karta i CIPS potvrda o prebivalištu lica ovlaštenog za zastupanje,
9. Izjavu, ovjerenu i potpisanu od strane odgovornog lica preduzeća, koja se može preuzeti na web stranici Ministarstva (www.fmeri.gov.ba) i kojom se odgovorno lice obavezuje da će po odobrenju grant sredstava, izvršiti uplatu sredstava po osnovu duga za ostale doprinose i to za zaposlenike za koje se traže grant sredstva (ne odnosi se na preduzeća u procesu likvidacije),
10. Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 5 zaposlenika),osim za preduzeća u stečaju i u procesu likvidacije.

Svi traženi dokumenti trebaju biti originali ili ovjerene kopije (ovjera ne starija od 30 dana od dana podnošenja zahtjeva za dodjelu grant sredstava) osim dokumenata za koje je izričito navedeno u kojoj formi se dostavljaju.

Od privrednog društva koje je dostavilo zahtjev za dodjelu sredstava, može se zatražiti dodatna dokumentacija ili pojašnjenja u pisanoj formi.

Ministarstvo odlučuje o svim naknadnim zahtjevima korisnika za izmjenama uslijed nastupanja neplaniranih okolnosti.

VIII. PRIPREMA

Zahtjev za dodjelu sredstava sa potrebnom dokumentacijom po ponovljenom Javnom pozivu, poredan po tačkama ponovljenog Javnog poziva od 1.-10., podnosi se Ministarstvu, potpisan od strane ovlaštenog lica sa naznakom iz koje se industrijske grane traže sredstva (Metalna, elektro i automobilska industrija; Industrija građevinskog materijala; Drvna, papirna i grafička industrija; Proizvodnja tekstila, kože i obuće; Hemijska industrija i industrije gume i plastike; Namjenska industrija).

Sva potrebna i tražena dokumentacija iz tačke VII. ponovljenog Javnog poziva, dostavlja se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po ponovljenom Javnom pozivu za kandidovanje Programa utroška sredstava utvrđenih u razdjelu 17. Budžeta Federacije Bosne i Hercegovine za 2022. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima - za uvezivanje radnog staža“.

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Ministarstvo mora o tome biti obavješteno u pisanoj formi. Izmjena ili povlačenje zahtjeva mora biti izvršena u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.
Neblagovremene prijave neće biti uzete u razmatranje.

Detalji vezani za podnošenje zahtjeva, osim u ponovljenom Javnom pozivu, mogu se vidjeti i u Programu, objavljenom u „Službenim novinama Federacije BiH“, broj 57/22, kao i na službenoj web stranici Federalnog ministarstva energije, rudarstva i industrije:
www.fmeri.gov.ba